




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1226 4° (LN 608)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1226 4° (LN 608)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1226 4° (LN 608)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1226 4° (LN 608)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1226 4° [LN 608]

DA BOY

N^o 1226.



-L.N. 608

M

ÆGLOGA
DE ECLIPSIS SOLARI

ANNO 1574. MENSE NOVEMBRI
futura, & tempore plenilunij ecliptici Anno 1573. con-
specti, Succularum ortu obiter descripto, breuiq[ue] Melibæi
pastoris querela, qui defunesta sui gregis clade conque-
rens, defectus luminarium in cælo prævia eſſe sig-
na filij Dej ad iudicium venturi, in-
terpretatur.

HVIC ADDITA EST PRECATIO AD DEVUM,
pro conservatione elementaris regionis tempore propositi
Solis deliquij.

Autore

P E T R O I A C O B O
FLEMLOSSIO.



HAFNIAE,
Impressit Laurentius Benedictij.

1574.

ANTIQUÆ NOBILI
TATIS SPLENDORE, DOCTRINA
& virtutibus Iuuenj Praeclaro, Tychoni Brahe Otthonio-
di, Domino de Knudsdorp, Mecœnati ac Do-
mino suo, in primis obser-
uando.

Petrus Jacobus Flemloſius
S. D.

LINIVS LVMINARIVM DEFECTVS
in miraculorum numerum referendos esse rectè censuit. Est
enim maxima admiratione dignum, splendidissima cœli
lumina in caliginem obscuris coloribus densam, atq; speciem
horrendis offuscata tenebris subito, & aliquando præter
multorum hominum opinionem terribiliter transformari. Cum amabilis
diurnæ lucis splendor odiosa confunditur vmbriteræ noctis obscuritate, il-
lustrisq; nocturnarum operarum regina seruilem obscuræ ancillæ habitum
induit. Quæ et si veras in natura caußas habent, certisq; motuum cœli le-
gibus fiunt: tamen non sunt superbè ridenda, tanquam & op quoddam,
aut iuxta Epicureorum decreta temerè aspernanda.

Præsertim cum nos de magnis & grauiſſimis rebus admoneant,
nempè de ira Dej aduersus peccatum & de tristibus pœnis hoc concomi-
tantibus. Nam procul dubio hæc stupenda naturæ miracula in sublimj
cœlo ideo maximè in prima omnium rerum conditione diuinitus ordinata
sunt, atq; hominum conspectui manifestè obiecta: ut eſſent indices irascentis
Dej, ac minantis digna supplicia his, qui ſecurè in enormibus delictis per-
ſeuerauerant: præviaq; signa tristium, quas peccando attrahimus, calamitatum.

Siquidem omnium ætatum historiæ euidenter teſtantur, varia-
rum rerum pernicioſas humano generi clades, ſtatim post huiusmodi ſiderū
obſcurationes accidisse. Siue etenim omnes antiquitatis historias repe-
temus, ſiue annales rerum temporibus nuper elapsis geſtarum, quarum recens
adhiuc memoria in multorum hominum animis viget, euoluemus: com-
per-



E
A
lio

periemus certè bellicos tumultus, regnorum & bonarum legum mutatio-
nes, sœuissimasq; pestilentias semper tanquam individuos comites, aut
nullo aut exiguo tempore intericto, secutas esse Solis & Lunæ deliquia:
ut illa mala penitus denuntiari à cœli vultu tristi, ac veluti mortalium
vicem dolente, viderentur.

Illa namque Solis defectio, cuius (antea à Thalete Milesio rellè
prædictæ) conspectio Lydis & Medis tantum iniecit timorem, ut à pug-
nando desisterent, cum anno mundi 3382. sublatis signis æquo utriq;
marte de summa rerum, ut inquit Herodotus, decertarent, mutandam esse
monarchiam primam indicauit cœlitus: quam brevi post tempore, Cyrus
año suo Astyage Medorum imperatore, atq; Crœso Lydiæ rege, non absq;
cruento bello captis, à Medis ad Persas transtulit.

Eam verò, quæ anno mundi 3539. ante Christum natum annis
423. à Pericle eiusq; exercitu, quem in Peloponесum contra Athenien-
sium hostes ducturus erat, ipso meridie conspecta est, tantis inuoluto Sole
tenebris, ut etiam sidera cœlo adhærentia interdiu viderentur, sicut scri-
bit Thucydides, secuta est pestilentia usq; adeò indomito grassans veneno in
Græcia: ut non tantum medicamentis nulla ratione non cederet, sed & ho-
rum viribus pertinaci virulentia fractis, pedes, brachia capita q; ipsa vio-
lenti corrupta putredine, à reliquo corpore non paucis ægrotantibus crude-
liter auelleret: furoribus præterea & mentis alienatione multos in puteos
præcipites ageret, memoriamque iis, qui aliquam pristinæ valetudinis
partem recuperarunt, deleret. His etiam temporibus præcipuorum Græ-
ciae magnatum animi disïdiis distrahebantur: unde diuturnum, funestū
atq; toti Græciæ admodum exitiale bellum exaruit. In quo quot incendia,
direptiones, vastitates, clarissimorum virorum acerbissimas mortes, miser-
rimasq; virium deditiones Græci sint experti, dictu facile non est.

Iam verò, si quis nostrum seculum examinet, videbit sane eclip-
sin diurnam, quæ in annum 1502. Christi saluatoris nostri incidit, non
frustrà plurimis Europæ nationibus calamitates omnis generis minatam
fuisse. Nam duos eam subsequentes annos bellis, seditionum commotioni-
bus, illustrissimorum principum morte, aliisq; huiusmodi exitiosis morta-
lium cœtui ærumnis celebres reddidit. Reliquarum autē offuscationū, quæ
nostra ætate Soli & Lunæ contigerunt, nulla hoc loco mentione opus esse ar-
bitror. Quandoquidem prouectæ ætatis neminem esse existimo, qui non
recordetur præcipuas mutationes atq; clades, quæ in toto ferè terrarum orbe
proximis annis auditæ vel visæ sunt, eclipsibus esse priusquam acciderunt,

indicatas. Cum illi qui nondum adoleuerunt, fateantur deliquia, unum Solis in signo humano, quadrato Martis radio oppugnatum &c: alterum in postremis sagittarij stellati partibus, anno post Christum natum supra millesimum, quingentesimum & sexagesimum tertio, Praecucurisse pestiferam illam lucem, que per uniuersum penè habitabilem mundum serpsit, tanquam nuntiantia hanc breui cum aliis malis subsecuturam.

Cum igitur tam veterum, quam nostri temporis historie testentur, eclipses non esse vana terriculamenta, sed veros potius nuntios multorum malorum, quibus propter multiplicia peccata iuste affligimur: consultum est, ut eas studiose inuestigemus, obseruemus, atq; haud sine pio paurore aspiciamus: ut hisce minacibus cœli prodigiis admoniti, veram agamus pœnitentiam, diuinamq; imploremus opem: ut Deus impendentes penas per illa significatas, propter filium suum tollere, aut saltem mitigare prosua bona voluntate velit. Posse enim cœlestia fata à Deo mitigari, auerti & tolli ad pias preces, modò diuinæ gloriae, incolumitati atq; saluti piorū id contrariū non fuerit, nemo qui Christo nomine dedit, dubitare debet.

Quarè cum hæc ita sint, & 13. die Nouembris labentis huius anni Luna subiens inter aspectum nostrū & solare corpus, in occiduo cardine, magnam eius radiorum partem, quos alias à Sole acceptos, in subiecta quatuor elementa deferre solet, sursum in cœlum regesta sit: unde fiet, ut terribili caligine multos terrarum tractus inuoluat, prodigiosam cœli faciem iisdem ostendens: neque quisquam, quod egosciam, de hoc nouilunio ecliptico quicquam, præter ipsius tempus, publicauerit: eius summam breuiter complexus sum bucolico carmine: quod cum humi serpat, magnam orationis maiestatem non requirit. Ut autem id conuenienter fieret, ipsi Solis eclipsi prænisi tempus plenilunij defectiui annos salutiferi partus 1573. visi, Hyadum ortu obiter indicati, atq; breuem Melibœi pastoris querelam, qui cruentam sui gregis stragem deflens, prodigia que in cœlo hominibus ostenduntur, signa esse Iesu Christi sublimi tremendaq; maiestate ornatum aduentum præcurrentia, dicit.

Et cum inferior globus, nempè elementa & ea, quæ in his vitæ suæ feliciter conseruandæ habitationes inuenerunt, deficiente, aut saltem impedito stellarum viuifco lumine, detrimentum capere soleant, nisi diuinatus conseruentur: precationem ad Deum, pro conservatione elementaris naturæ tempore propositi Solis defectus, Æglogæ huic subiunxi.

Quia autem nobilissime Héros, omnibus seculis, quorum quidem annales ad nos peruenierunt, hæc tenus visitatum est, eos qui aliquid edituri

edituri essent, id non nisi patrono & mecenati cuidam dedicatum, in publicum mittere: nolui ego has meas pagellas absq; defensoris nomine prelo committere. Ne receptæ consuetudini diu multumq; ab omnibus rectè indicantibus approbatae, temerè repugnare, laudabilesq; & honestos mores contumaciter detrectare, viderer.

Deliberanti verò mihi à quo potissimum iisdem his chartulis conueniens patrocinium peterem: tu solus index & patronus rogandus videbaris. Cum enim in hac consultatione versarer, ei supplicandum esse ratio suadebat: cuius doctrina, iudicio atq; defensione vterer. Tuam autem doctrinam tam excellentem esse, vt non modo meos in studiis literarum conatus omnibus modis sufficienter iuuarc, verum etiam doctissimos quosq; laudabiliter eruditus possit: præclara testantur monumenta è viuido tuo nata ingenio, eximiae certè plena eruditionis: quorum partim domi tuae adhuc seruantur, partim verò utiliter multorum manibus teruntur: numerosaq; illa studiosæ iumentutis, ac optimorum virorum omni disciplinarum genere instructissimorum corona, quæ te docentem quotidie magna cum admiratione, atq; studiorum suorum profectu, audit.

Judicium verò tuum de rebus dubiis & perplexis, quam sit acre, seuerum & graue, vt à mei ingenij tenuitate dici non potest, ita neque hic locus requirit: præsertim, cum omnibus eruditis notū sit, quanta iudicij dexteritate versatus sis tam in inferioribus artibus, re naturali, & vtraq; medicina, cum aliquid præ ceteris approbandum, aut improbandum esset, quam in sublimiori illa vereq; diuina Philosophia, quæ Mathematica dicitur: vbi omnia illa, quæ cum cœlestium motuum legibus, obseruationibus, phænomenis, magistræ experientia consentire, firmumq; in natura habere fundamentum, videbantur: comprobanda & diligenter asseruanda, reliqua verò & his contraria, quoru perplexa ambiguitas doctorum hominum iudicia hætenuis non parum exercuit, improbanda & abiicienda acriter censuisti. Meis igitur, quas ob tenuitatem suam, vix ausim nominare, pagellis limam sine negotio addideris. Quas etiam tuo patrocinio ab improborum calumniis tutas facile efficias: qui totam de cœlo eiusq; effectibus doctrinam supina negligentia atq; cyclopicâ barbarie multis in locis penè oppressam, pristinæ suæ dignitati verè heroicis, quæ in te permultæ eluent, virtutibus stimulatus, nomini tuo immortalitatem conciliando, egregiè restitus.

Te proinde nobilissime Heros, ea qua debo animi subiectione & reverentia oro & obsecro, ne hanc dedicationem prorsus asperneris, sed

eam pro singulari tua humanitate ac benevolentia, in meliorem partem
accipiens, has pagellas, æquo de ipsis facto iudicio, tua tutela aduersus ini-
quos calumniatores munitas, in publicum prodire: meq; cum studiis meis,
cum esse clientem, benignè patiaris. Quod te facturum spero, potissimè,
cum tua ipsis egregia virtus hoc mibi polliceatur, Deoq; ipsi rem gra-
tam ea ratione, tibi verò honorificam præstiteris. Vale anima
et corpore integer. Hafniæ 16. calendaræ

Nouemb. Anno

1574.



MOE.

MOERIS ET MELIBOEVS.

ROscida nocturnas aurora fugauerat umbras,
Ac nitidus radiis Titan lustrauerat orbem,
Lampadis & solito maiores sparserat ignes.
Fortè iacens gelido Mæris requieuit in antro,

Mons quā Siertzlofius turritæ prominet vrbī,

Olim quem latè celebrarunt martia castra

Principis, à Christo cepit qui nomen & omen.

Lumine vbi terram perfundunt astra benigno.

Vnde virent plantæ pecori gratissima dona.

Nam Cytisus florens h̄ic prouenit inter hibiscos,

Surgit & in mediis humiliſ saliunca frutetis,

Sensim vere nouo salicum nemus omne virescit,

Herbosq; patens vestitur gramine campus.

Non herbæ pratis, non desunt floris honores.

Nam pulcri ſparſo resonant examine flores.

At Mæris paulum collectis viribus umbra,

Proſpiciens tacito vegetum caput extulit antro,

Proſpicit & ſalvas inter virgulta capellas,

Hædorumq; gregem Melibæum agitare propinquum,

Ocius hunc lætus verbis affatur amicis:

Huc ades ô Melibæe, capellas pascat Amintas.

Mær.

Conſideas mecum patula tantisper in umbra:

Corpora dum placido nos fessa ſopore leuemus,

Dūm pecori ſalices tenero carpuntur amaræ,

Ruminat atq; hædus molli proiectus in herba.

Iuſſa hæc Mæri ſequar, quoniam conuenimus ambo.

Melib.

Nam

Nam qui perpetuo curarum fluctuat æstu,
Vix canescensem latus videt ille senectam.
Dicere non vereor. Nam mea cura coquebat,
Et tristem mordax insomnes ducere noctes
Sæpè facit, mæsto mihi morsu corda fatigans.

- Mær. O Melibæe, tibi quæ tanti est causa doloris?
Aëra quid sœuis vacuum singultibus imples,
Anxia dum pressi renouas suspiria cordis?
Nonne caper tenera ludit tibi saluus in herba?
Sufficiens ué domi est pressi tibi copia lactis?
Melib. Mæri mei causa est gemitus non parua dolentis.
Namq; Lupus frendens, animo ferus & ferus ore,
Noctiuaga & vulpes fallax, astuq; dolosa,
Noctes atq; dies nostro de sanguine certant,
Atque dolos vafre varios meditantur ouili.

- Mær. O Melibæe mihi neq; parcunt ora ferarum.
Sæpè mea horriferis stabula armis pinguia cingunt.
Sed tamen haud tingunt sua rostra cruento capellæ.
Carniuoris neferis tuus est grex pabula factus?
Eia age, dic nobis Melibæe ab origine prima,
Herbiuagi casus gregis, insidiaq; ferarum.

- Melib. Ah querulum nos Mæri iubes renouare dolorem:
Sed si sollicitè cupis hos cognoscere casus,
Incipiam, quamuis quatiat præcordia mæror.
Purpureis Phæbus puero comitatus aquoso,
Mæri redibat equis Scythiae glacialis in oras,
Directisq; comis siccabat Praessa perusta.

Nox

Nox erat obscura, & fessos hominesq; canesq;
Occupat alta quies, & ruri cuncta quierant:
Dum medio noctis spatiantur sidera gressu:
Fortè lupos pepulit glacialis hyems ad ouile
Nostrum ieiunos, aderant vulpesq; sagaces,
Vrsorum è syluis magna comitante caterua.
Impetu & euertunt valido balantia septa.
Et teneros auidis laniabant dentibus agnos:
Atque cateruatim (multum latrante lycisca)
Ecce, dabant stragem, haud credis quam Mæri cruentā.
Iamque Lupi & vulpes dapibus cum sanguine mistis
Puniceo gaudent, vt sanguine sanguis alatur.
Heu quantum scelus est, animantis morte nefanda,
Viuat vt vrsus atrox, vulpesq; lupusq; nociuus.
Et mirum dictu, mitis quod spiritus agni
Non ferus, in corpus transit crudele ferarum:
Haud tamen antiquum retinet: sed quod fuit antè
Deponit, vulpesq; est iam, quod erat prius agnus.
Nam gregis horrifica dum tento nocte laborem
Ipse leuare mei, mea sors æquatur ouilis
Horribili fato, cum me petit vnguibus vrsus,
Dentibus & vulpes, furit & lupus ore cruento:
Quamquam sunt facilis saturati carnibus agni.
Bestia & hic aderat reliquis immanior ira,
Atque dolo turpi, rabie, queruloq; vululatu,
Non referens fratrum facies, crurumue figuram:
Est macer atque cutis rigidis caret arida villis:

B

Proq;

Proq; pedum pediis clauas gerit ista salignas.
Quam si vidisses, monstrum crudele putassem.
Hostibus, h.ec, valido reliquis conamine abactis,
Restitit, & summis lacerum me viribus urget.
Nam mecum renouat duri certamina martis,
Et modò ceruicem, iugulum modò crurag; captat,
Acrius insurgens omniq; à parte laceſſens,
Ut me pessundet, furiis agitata nefandis,
Haud secus ac pernix, rabie citus atq; furore,
Ludiferi missus canis in ſpectacula circi,
Fertur in obiectum, committens prælia, taurum.
Tantæ molis erat Melibœum fallere nocte.

Non procul existens ad me venit ipſe BLARCES
Ambiguae & validis vitæ succurrit in armis:
Cum nos eriperet Parcæ de fauibus atræ.
Sic redit interdum mortis de limine vita.
Non tamen hostilis ſubitò deferbuit ira,
Sed gannit ſtomachansq; chimæra recedit in antrum.

Mæris. O Melibœe, mei cum ſis pars maxima amoris :
Soluas corde metum, & tristes ſecludere curas
Pergas: diſce pati, melius quo tristia vincas.
Fortiter ærumnas ſanat patientia. Quare
Aſpera, quæ tulerit fallax fortuna dierum,
Hæc ſuperanda tibi ſunt æqua mente ferendo.
Et mala, quæ reputas tibi nunc perferre moleſtum,
Certò permultum poſt hac meminiſſe iuuabit.
Nam ſenſu vigili qui aloēn percepit amaram,

Hic

Hic melius gustu discernit dulcia mella.
Tempora, ne doleas, nec sunt longæua malorum.
Namque serena dies depulsa nube resurgit.
Succedunt hyemni quoque lœti veris honores.

Hac iter ad sedes dicit Melibœ quietas,
Quas lœtus capies, lœtas tribuente tonante.
Iura dabit siquidem non tardans vltima mundo.
Namque, senescentis, nuper nox edidit atra
Signum triste, minans mundi, mihi credi, ruinam.
Fessos gurgite equos cum tinxit Phœbus Ibero,
Noctifer & clauso nigrarat vesper olympos
Terram conigera latè caligine nostram,
Ætherei liquidis Tauri & radiantia flammis
Vndis tollebant sese quinque ora coruscis.
Altius at bigis graditur subiecta Diana,
Cornuaq; incedens plenum contraxit in orbem.
Tum pecus omne meum querulis stabulabat in antris.
Atque ministrabam seclusis pabula capris.
Cumq; videretur solito tenebrosior ær:
Non mora, tollebam pauidus vaga in æthera pictum
Lumina, pertimideq; locos speculabar in omnes.
Tum demum vidi cæcæ caligine noctis,
Phœben multiuagam roseos inuoluere vultus:
Et penitus fratri spoliarij, lumine Phœbi.

Hæc ô Mæri docent citò nobis affore tempus, Melib.
Quo mihi cessabunt mœsti suspiria cordis,
Omnes cum dominus soluet mihi pectore curas.

B 2

Ergo

*Ergo age noster amor contex sequentia dictis :
Quæ mihi mœrores pellent de corde molestos.*

*Mæris. Dum Melibœ stupens rerum nouitate pauesco,
Intueorq; nouas facies, cæliq; laborem.
En pietate grauis nobis assitit ARITHMV S,
In me defigens oculos vultumq; seuerum.
Quarè, ait, infelix frustrà nunc sidera lustras ?
Et requiem spernis grati pastoribus antri,
Lanigerosq; greges & dulcis munera lactis ?
Hisne solent Lycida ac Thyrsis ditescere rebus ?
Dixi, care hospes, tua vox est consona vero.
Divitiæ gregibus, credo, quæruntur opimæ.
Sic tamen has curo terrestres atq; caducas.
Vt simul hinc quærat cœlestes atque beatas.
Et iuuat interdum sublimè attollere vultus,
Æthereasq; domos acie comprehendere vi:rus :
Vt cognoscantur mihi splendida templa tonantis,
Quæ sunt æternæ sedes promissa salutis.
Nam colo sic terras, vt non spernatur Olympus :
Sed colo sic terras, simul vt curetur olympus.
Nec colo sic terras, vt me contristet olympus:
Sed colo sic terras, vt me delectet olympus.
Hospes ad hæc, inquit, verè cum sit tibi cordi,
Stelliferi varios cæli cognoscere vultus :
Si te perugilans tangit iam cura futuri :
Atq; decens, PASTOR, si qua est reuerētia NOSTRI :
Cæli te positum, Solisq; docebo labores.*

Ante

Antè greges, dixi, pascentur in æthere nostri,
Graminis obliti, picta cum floribus herba:
Debita quam vobis me non soluisse iuuabit.
Ergo, ait, obserues habitum patientis olympi,
Scorpius eous primum cum cordis ocellum
Hic aperit cæcum: ac claudit sua lumina Taurus,
Cornuaque ipse latens submergit Thetyos vndis.
Hic postquam auroram Nabathæaq; regna riliquit,
Emensusq; viam, medio quæ altissima cælo est,
Et seros Titan proiecit ad Ægilon ignes.
Tum sua multiparæ reparabit cornua terræ,
Quæ decus est noctis gelidæ, Titania Phœbe.
Atque ideo bigas Phœbi cum lampade iunget:
Hauriat ut clarofratris de lumine lumen.
Ast iter hic proprium sibi lumen vtrumq; reseruat.
Inter vtramq; viam breuiorq; videbitur arcus
Mensura, quam tum moles cernentur habere
Dimidiæ, Solis iam nigri & Cynthiæ opacæ.
Atra means igitur Phœbe sub Sole corusco,
Luminis illius depellet ad æthera partem.
Nec vebet ad terras acceptos lampadis ignes,
Hos, quibus in mundo viuunt animantia cuncta.
Nam pars, vmbifera, tum maximi Apollinis ingens
Vultus viuifici, tegitur subeunte Diana
Inter Phœbeios radios ac lumina nostra.
Exhibit ostentum polus hic mirabile visu:
Expers dum decoris proprij Sol deficit orbe:

B3

Et

*Et veluti luget mœrens in funere tristi,
Qui regale decus, prima est & gloria cœli.
Testis non fallax erit, ecce, GEOMETER ille,
Qui enthymem a soni non torquet inane rotato.
Nescit & incertos phaleratis ducere verbis.
Haud piget hunc alas, alis coniungere nostris.
Aduolet interdum ut nobiscum ad sidera cœli :
Horum ubi multiuagos cursus tristesq; labores
Quærimus, ut NOSTRIS certò monstremus AMICIS,
HIS, quibus est quædam NOSTRI reuerentia curæ.
Hæc Melibœ mihi ut breuibus sic fatus ARITHmus,
Stellarumq; greges, monstrasset, in æthere mixti
Ut disponentur uenturi tempore luctus :
Officio functum se se tunc innuit eſſe.
Non igitur docuit tardè properantia fata,
Quæ minitans mœsti positus portendet olympi.*

Melib. *Ædibus in sacris, ô Mœri hîc voce canora
Nuper diuini cecinerunt talia vates :
Iam Deus extremum meditans imponere finem
Mundo peccatis grauido, rebusq; caducis :
Ac punire malos, iure & defendere sanctos :
Signa poli signat, quæ sunt manifesta, micantis.
Signa futuri ut sint celsis in nubibus actus,
Mansuetis quo vult ouibus secludere capras
Cornigeras scelerum vindex, ac arbiter æquus
Iudicio caußas postremo cernere nostras.
Vatibus his, nostrum quis non vult credere sacris?*

Credo

Credo equidem verè : nam sunt reuerenter habendi.
Cum sint legati magni rectoris olympi.
Atque immota sonent nostræ decreta salutis.

Mær.

His, Melibœe, meæ si vis attendere voci,
Addam, quæ grata MÆNTIS narravit in umbra
Nuper doctiloquus, cum vera effecta rogarem
Luminis auctoritatis & in æthera pulsi,
Viuis viuificus, quo temperat omnia Phœbus.

Dixit, ubi primum Solis post tempora luctus,
Ter quater hæc Phœbe renouarit lampadis ignem,
Et totidem iunctis implerit cornibus orbem:
Lucretianas tremula geminabit voce querelas
Hic globus inferior languenti corde gemiscens:
Officium haud stellas orbis fecisse superni.
Debita cum terris tegerent Phœbeia capillis
Lumina perdensis, & ad has transire vetarent.
Et gemit impositos se non perferre labores
Posse sibi, quando superis linquatur ab astris:
Non producere amica animali germina vitæ,
Primaue mixtarum moderari semina rerum.

Nam, velut ut soboles nascatur, ut ergo neceſſe est
Mæri parens adſit, ſimul & suffragia mittat:
Æther sideribus ſic iungat fidera terræ,
Nec celsum vires ceſſet demittere cœlum
Præualidas, vegetis inferni viribus orbis.
Neue ſibi innatas elementa caduca recuſent
Virtutes, firmi virtutibus addere cœl:

B 4

Infe-

Inferiore ut sit certum moderamen in orbe.

Ac terræ vigeant & in his viuentia salua

Sint, & aquæ grata foueant dulcedine pisces.

Atque secent volucres purum sic aëra pennis.

Stella tenens igitur medium septemplicis orbis,

Eni, regina potens cæli, rerumq; nouatrix,

Quam reliquæ magni stellæ venerantur olympi,

Sidera quandoquidem terrena iuuare negabit:

Haud globus infernus moderabitur omnia dextre,

Complexu placido quæcunque fouenda recepit.

Militiæ Mauors tum dux cœlestis acerbus,

Capri terga premens squamosi, in culmine cæli,

Fulminis igniferi leget vndique pabula plena,

Horrisonosq; ciet reserato carcere ventos,

Turbine & vndinago subuertet in æquore puppes.

Vnde suos matres quærent in littore natos.

Pestiferumq; vagum diffundet in aëra virus,

Conuellens multos truculentis febribus ægros:

Quos aut perpetuus flammati pectoris æstus

Pascitur, aut fugiens sœpè & per certa reuisens

Interualla, genus sœuo mortale dolore

Conficit. Utq; rosas violentus discutit Auster,

Hortorumq; decus violas corrumpit amænas:

Sic multos hominum iuuenili dote superbos,

Improba mors Stygias violenter mittet ad vndas.

Aëra sed nebula miscebit falcifer atra.

Vnde melancholico complentur viscera succo

Splenis,

*Splenis, & hunc torquent tumor ac obstruetio, scirrhos,
Flammaque comburens pingui cum sanguine carnem.*

*Atque senescentum consumto sanguine amico,
Corpora tabescent, postremaque fata subibunt.*

*Plurima morborum sic nos contagia laedent,
Inter mortales ludentia mille figuris.*

*Vsibus & nostris aptata animantia quæque,
Clade sua ostendent, quid sit saturnius ignis.*

*Scorpius assistens mundanæ lumine parti
Vitali cassæ, dirum vomet ipse venenum:
Quo vis multarum languebit viuida rerum.
Vtque procellosus pelagus yi commouet austera
Vastum: sic totus furiis agitabitur orbis.*

*Magnatum sœnas animus rapietur in iras.
Plebsque fremet trepidis clamosa tumultibus omnis.*

*Vltima quarè illos mœsto cum carcere fata
Haud incerta manent, ast hanc oppressio dura.*

Crimine certabunt domini seruique fugaces.

*Sæpè & crudelis gliscet violentia multis.
Laudi ducetur, raptis tunc viuere rebus.*

Atque fidem latè sanctam temerare per orbem.

*Sicque manus fuso, leue, sanguine habere cruentas.
In facinus cunctos teturum iurasse putabis.*

*Mœrifac vt gladios trito de vomere cudas.
Arma pard bello, dum sis securus in aruis.*

Viues vix hyemes binas sine militis vsu.

Ergo animus, fabar, violentis cogitur astris.

Sidera,

Sidera, respondit, mentes ratione fruentes
Cogere non possunt. Verum quia sæpè recusant
Fortia mortales mentis moderamina rectæ.
Sæpè, en, mortales non flectunt cœlica fata.
Sponte sua at currunt corruptæ tramite carnis,
(Sidera quæ sequitur, culpa absque mouentia, mota.)
Et dominum spernunt, vasti cui machina mundi
Subiacet, atque manu valida qui temperat astra.

Melib. Hunc igitur veniam studeamus poscere votis
Lætam supplicibus, cui soli est prima potestas.
Terribilis toruam permulceat ætheris iram.

Atque minas cœli dignetur tollere sœuas:
Fulmina ne tenso crudelia torqueat arcu,
Et celeri iactu subiectum mittat in orbem.

Mær. O Melibæe mihi tua iussa capessere fas est.
Nam prece præuisas clades auertere sancta,
Paxuro generi permultu: n proderit olim.

Heus Melibæe mane, capras compellat Amyntas.
Hanc placidè mecum securus transige noctem.
Caseus est nouus hic nobis, carnesque suillæ,
Acolus in promtu, mihi quod mea coxit Eliissa.
Mox & conspicuum clausurus vesper olympum.
Roscida nam cecidit nostris de montibus umbra.



EUXH


10

Εὐχὴ πρὸς τὸν θεόν, περὶ τὸ τῆς κατωτέρας σφαιράς
φυλάγματος, ἐν ταύτῃ τῇ
ἱλιακῇ ἐκλείψιος
χρόνῳ.

παῖδες καὶ γάλα κρατεῖσθαι κόσμοι μονάρχη,
Οὓς ζώοντας λόγῳ τεχνήσαο σύραντον ἐνρύμ.
Ἄντομ φωτίζοι μίακοσμῶν τοῖν γε φαενότην.
Ἴος κέλιον φαένοντα τέθεικας ἄνακτα,
τιλίου τανυχίης κερατὰν βασίλειαν ὀμίχλης,
καὶ πιστοὺς δέρατας κείνοιν τοὺς ἀσέρας ἀλλάζει.
Τέλος ἐτέρητας ταπείριών ἐστιν μαστίχα.
Ταῦτα γε ἐνθύνοντι βιβαρύως ταλάμαιν σέθεν ἔργα.
Ηνίκα ἀχλαύειντι βολαῖς, ὡς ἐπούς, ἀρέσει
σύρανταις οὐ μὴ σελαγήσαι φύσιος ἀδόλωμ.
Μή σφαιρώματα κακῆ φθείροιτο κατώτερον ἀτη.
Ἀφεντίοντι αλλά τεστ σώζοτο μὲν ἥεισ οὐλοιν.



1226



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1226 4° (LN 608)

